



歷代帝王宅京記卷七

槐廬叢書

崑山顧炎武著

吳縣朱記榮校刊

雒陽上

周

漢書地理志曰周地柳七星張之分陜也今之河南雒陽穀城平陰偃師鞏緱氏是其分也昔周公營雒邑以爲在於土中諸侯蕃屏師古曰言雒陽四面皆有諸侯爲蕃屏四方故立

京師至幽王淫褒姒以滅宗周子平王東居雒邑其後

五伯更帥諸侯以尊王室故周於三代最爲長久八百

餘年至於赧王乃爲秦所兼初雒邑與宗周通封畿

日通在二封之地共千里也師古曰宗周鎬京也方八百里入八十六四爲方百里者六十四也雒邑成周也

方六百里六六三十六為方百里者三十六也東西長二都得百里者百方千里也故詩云邦畿千里而南北短短長相覆為千里至襄王以河內賜晉文公又為諸侯所侵故其分墜小師古曰墜古地字周人之失巧偽趨利貴財賤義高富下貧熹為商賈不好仕宦自柳三

度至張十二度謂之鶉火之次周之分也

汲冢周書作維解曰周公俘殷獻民遷於九畢獻民士大夫也

九畢成周之俾康叔宇於殷俾中旄父宇於東康叔代地近王化也

旄代乃作大邑成周於土中土地也於天下為中城方千七百二

十丈郭方七百里疑當作七十南繫於維水地因於邾山以

為天下之大濼濼會也制郊甸方六百里國西土為方千

里西土岐周通為圻內分以百縣縣有四郡郡有四鄙大縣立城

方王城三之一小縣立城方王城九之一乃設邱兆於

南郊以上帝配以后稷日月星辰先王皆與食先王后稷謂郊

建大社於國中其壝東青土南赤土西白土北驪土

中央豐以黃土將建諸侯鑿取其方一面之土苞以黃

土苴以白茅以為土封故曰受則土於周室乃位五宮

太廟宗宮考宮路寢明堂五宮宮府寺也太廟后稷二宮祖考廟也路寢王所居也

咸有四阿反坫重亢重郎常累復格藻稅設移旅楹春

常畫咸皆也廟四下曰阿反坫外向室也重亢累棟也重郎累屋也常累系也復格累芝栴也藻稅畫梁

杜也承屋曰移旅列也春謂藻內階元階堤唐山齋以

石為階唐中庭道堤謂高應門庫臺元闔門者皆有臺

後可知也又以為之也山齋謂畫山雲

後漢郡國志曰河南帝王世紀曰城周公時所城雒邑

也春秋時謂之王城鄭元詩譜曰周公攝政五年成王

王城南望雒水北至郊山地道記曰去雒城四里左傳

定八年單子伐穀東城門名鼎門九鼎所從入又曰南門

城杜預曰雒陽西南觀是也北城門名乾祭年士伯昭立於乾

水之北有鼎中觀是也北城門名乾祭年士伯昭立於乾

祭皇覽曰城西南相亭西周又有甘城杜預曰縣西有

山皇覽曰城西南相亭西周又有甘城杜預曰縣西有

荆鄉左傳昭二十三年尹辛攻荆雒陽擊虞曰古之周

氏春秋曰有委栗山在陰鄉魏時營為圃邱皇覽周時

日縣東北山有委栗山在陰鄉魏時營為圃邱皇覽周時

號成周公羊傳曰成周者何東周也何休曰周道始成

千步東里一百步也帝王世紀曰城東西六里一

步城東北里一百步也帝王世紀曰城東西六里一

周威烈王冢有狄泉在城中左傳僖二十九年盟於

西南地水或曰本在城外定元年城成周乃繞之按此

水晉時在東宮西北帝王世紀曰狄泉本殷之墓地在

成周東北今城中有殷王冢是也唐聚左傳昭二十

也又太倉中大家周景王也重黎之後伯休甫之國也

於有上程聚古程國史記曰重黎之後伯休甫之國也

唐有上程聚古程國史記曰重黎之後伯休甫之國也

都豐故此有士鄉聚馮勃地有褚氏聚左傳昭二十

加為土程有榮綺澗左傳昭二十二年單氏伐東圍杜

預曰縣南有榮綺澗左傳昭二十二年單氏伐東圍杜

有褚氏亭有圍鄉左傳昭二十二年單氏伐東圍杜

西有泉亭有圍鄉左傳昭二十二年單氏伐東圍杜

城即戎也有大解城杜預曰縣西南有大解小解

漢書高帝本紀曰五年帝乃都雒陽夏五月置酒雒陽

南宮括地志南宮在雒州雒陽縣東北二十六里洛陽

更始自洛陽而西馬奔觸北宮武庫皆未嘗廢

非殿則自高帝迄於王莽洛陽南北宮武庫皆未嘗廢

歷代帝王宅京誌卷七 三 朱氏槐廬校刊

蓋秦雖都關中猶放周東都之制建宮闕於洛陽
庫千秋子為雒陽武庫令趙涉勸周亞夫抵雒陽直入武

六年冬十二月至雒陽居南宮張良傳同

後漢

後漢書光武本紀曰建武元年冬十月癸丑車駕入雒

陽幸南宮卻非殿遂定都焉蔡質漢典職儀曰南宮至

道行天子從中道從官夾左右十步一衛大屋複道三

兩宮相去七里又雒陽宮闕名有卻非殿

二年春正月壬子起高廟建社稷於雒陽立郊兆於城

南續漢志曰立社稷於雒陽在宗廟之右皆方壇四面

及中各依方色無屋有牆門而已續漢書曰制郊兆

於雒陽城南七里為壇入陛中又為重壇天地位皆在

壇上其外壇上為五帝位青帝位在甲寅赤帝位在丙

巳黃帝位在丁未白帝位在庚申黑帝位在甲戌其外

為壇重營皆紫以象紫宮營有通道以為門日月在營

內南道日在東月在西北斗在北道之西外營中營凡
千五百一十四神高皇帝配食焉北郊在雒陽城北四
里方壇四階地祇位南面西上高皇后配四面皆在壇
上地理羣后從食皆在壇下中嶽在末四嶽各依其方
淮海俱在東河在西濟在北
江在南餘山川各如其方

十四年春正月起南宮前殿

中元元年初起明堂靈臺辟雍及北郊兆域漢官儀曰

起土作壘土作橋壘中無永明堂去平城門二里所天

子出從平城門先歷明堂乃至郊祀又曰辟雍去明堂

三百步車駕臨辟雍從北門入三月九月皆於中行鄉

射禮辟雍以水周其外以節觀者漢宮闕疏曰靈臺高

三丈十二門漢官儀北郊壇在城西角去城一里所

謂方壇四陛但存壇祠舍而已其鼓吹樂舞及人御帳

郊從南資志曰永平五年二年春正月辛未立北郊祀后土

明帝本紀曰永平三年起北宮及諸官府西門

永平五年自長安迎取飛廉并銅馬置上西門外名平

樂館春五日辛未立北殿

晉書食貨志曰永平五年作常滿倉立粟市於城東粟

斛直錢二十

本紀又曰八年冬十月北宮成

和帝本紀曰永元五年春二月戊戌詔自京師離宮果

園上林廣成圃廣成苑在汝州西悉以假貧民恣得採捕不收

其稅

順帝本紀曰陽嘉元年起西苑修飾宮殿

漢安元年秋七月始置承華廐東觀記曰時以遠近獻馬衆多園廐充滿始置

承華廐

桓帝本紀曰延熹二年秋七月初造顯陽苑

蔡邕述行賦曰徐璜左伯五侯擅貴於其所處又起

顯明苑於城曲

桓帝本紀論曰前史稱桓帝好音樂善琴笙飾芳林

而考濯龍之宮薛綜註東京賦云濯龍殿名芳林謂兩傍樹木藹也考成也既成而祭之

春秋考仲子之宮是也設華蓋以祠浮圖老子浮圖今佛也續漢志曰祀老子

於濯龍宮文闕為壇飾消金銀器設華蓋之坐用郊天樂

靈帝本紀曰光和三年作畢圭靈昆苑畢圭苑有二東畢圭苑周一千

五百步中有魚梁臺西畢圭苑周三千三百步並在雒陽宣平門外也

五年秋八月起四百尺觀於阿亭道

中平二年造萬金堂於西園

三年春復修玉堂殿鑄銅人四黃鐘四其音中黃鐘也子為黃鐘及

天祿蝦蟆天祿獸名西京有天祿閣

宦者傳曰帝造萬金堂於西園引司農金錢繪帛仞積

其中仞滿也明年使鉤盾令宋典繕修南宮玉堂又使掖

庭令畢嵐鑄銅人四列於蒼龍元武闕蒼龍東闕元武北闕又鑄

四鐘皆受二千斛縣於玉堂及雲臺殿前又鑄天祿蝦

蟆吐水於平門外橋東轉水入宮又作翻車渴烏翻車設機

筒以氣引水上也車以引水刻鳥為曲筒以氣引水上也施於橋西用灑南北郊路以省百

姓灑道之費

獻帝本紀曰初平元年春二月丁亥遷都長安董卓驅

徙京師百姓悉西入關自留屯畢圭苑三月己酉董卓

焚雒陽宮廟及人家

董卓傳曰是時雒中貴戚室第相望金帛財產家家毀

積卓縱放兵士突其廬舍淫畧婦女剽虜資物謂之搜

牢言牢固者皆搜索取之也一日牢灑也二字皆從去聲今俗亦有此言及何后葬開文

陵靈帝卓悉取藏中珍物又壞五銖錢更鑄小錢悉取

雒陽及長安銅人鐘虞飛廉銅馬之屬以充鑄焉鐘虞以銅

為之故賈山上書云懸石鑄鐘虞前書音義曰虞鹿頭

龍身神獸也說文鐘鼓之附以猛獸為飾也明帝永平

五年長安迎取飛廉及銅馬置上西門外名平樂館銅

馬則東門京所作致於金馬門外者也張璠紀曰太史

靈臺及永安侯銅

蘭楯卓亦取之

百官志曰雒陽城十二門其正南一門曰平城門漢官

平城門為官門不置侯置屯司馬秩二千石李尤銘曰

平城司午厥位處中古今注曰建武十四年九月開平

悉代帝王宅京記卷七

六 張氏槐廬校刊

城北宮門屬衛尉其餘上西門應劭漢官儀曰上西門
 故丹雘之季尤銘曰雍門銘曰雍門處
 上西在季位月維戌雍門中位月在西
 厥申津門銘曰津門自小苑門開陽門應劭漢官儀曰
 有名宿昔有一柱來在樓上琅邪開陽縣上言縣南城
 其年柱飛去光武皇帝使來識視然遂堅縛之刻記
 開陽在孟位以名馬銘曰耗門銘曰耗門在辰
 處仲月孟位以名馬銘曰耗門銘曰耗門在辰
 位在卯上東門銘曰上東門
 夏門值孟凡十二門蔡質漢官儀曰維陽門二十四
 位月在亥凡十二門蔡質漢官儀曰維陽門二十四
 又曰宮掖門每門司馬一人南宮南屯司馬主平城門
 北宮門蒼龍司馬主東門按維陽宮門名元武司馬主
 元武門北屯司馬主北門北宮朱爵司馬主南掖門今古
 注曰永平二年十一月初東明司馬主東門朔平司馬
 作北宮朱爵南司馬門

主北門凡七門

太潘岳懷舊賦啟開陽而朝邁濟清洛以徑度

魏

魏志文帝本紀曰黃初元年冬十二月初營洛陽宮
 之按諸書記是時帝居北宮以建始殿朝羣臣門曰承
 明陳思王植詩曰謁帝承明廬是也至明帝時始於漢
 南宮崇德殿處起太極昭陽諸殿魏畧曰詔以漢火行
 也火忌水故洛去水而加佳魏於行次為土土水之牡
 也水得上而乃流土得水而
 柔故除佳加水變維為洛
 二年築陵雲臺

世說曰陵雲臺樓觀精巧先稱平眾木輕重然後造
 構乃無錙銖相負揭臺雖高峻嘗隨風搖動而終無
 傾倒之理魏明帝登臺懼其勢危別以大材扶持之

樓即頽壞論者謂輕重力偏故也

洛陽宮殿簿曰陵雲臺上壁方十三丈高九尺

疑當作丈

樓方四丈高五丈棟去地十三丈五尺七寸五分也

三年穿靈芝池

五年穿天淵池

七年春三月築九華臺

明帝本紀曰太和元年夏四月甲申初營宗廟

三年冬十月改平望觀曰聽訟觀 初洛陽宗廟未成

神主在鄴廟十一月廟成遣太常韓暨持節迎高皇帝

太皇帝武帝文帝神主於鄴十二月己丑至奉安神主

於廟

青龍三年是時大治洛陽宮起昭陽太極殿築總章觀

百姓失農時直臣楊阜高堂隆等各數切諫雖不能聽

常優容之

魏畧曰是年起太極諸殿築總章觀高十餘丈建翔鳳於其上又於芳林園中起陂池楫

權越歌又於列殿之北立入坊諸才人以次序處其中

通引穀水過九龍前為玉井綺欄蟾蜍舍受神龍吐中

使博士馬均作司南車水轉百戲歲首建巨獸魚龍曼

秋七月洛陽崇華殿災八月命有司復築崇華殿改名

九龍 時郡國有九龍見故名 高堂隆傳曰青龍中大治殿舍西取長安大鐘

帝愈增崇宮殿彫飾觀閣鑿太行之石英采穀城之文

石起景陽山於芳林之園建昭陽殿於太極之北鑄作

黃龍鳳凰奇偉之獸飾金墉陵雲臺陵霄闕百役繁興

作者萬數公卿以下至於學生莫不展力帝乃躬自掘
土以率之魏畧曰景初元年徙長安諸鐘虞駱駝銅人承露盤盤折銅人重不可致留於霸城大發
銅鑄各作銅人二號曰翁仲列坐於司馬門外又鑄黃龍
鳳凰各一龍高四丈鳳高三丈餘置內殿前起土山於
芳林園西北陬使公卿羣僚皆負土成山樹松竹襍木
善草其上捕山禽襍獸置其中漢晉春秋曰帝徙盤
盤折聲聞數十里金狄或泣因留於霸城

本紀曰景初元年冬十月乙卯營洛陽南委粟山為園

邱十二月壬子冬至始祀

魏書李業興傳梁散騎常侍朱异問業興曰魏洛中委

粟山是南郊邪業興曰委粟是園邱非南郊异曰比聞

郊邱異所是用鄭義我此中用王義業興曰然洛京郊

邱之處專用鄭解

高堂隆傳曰陵霄闕始構有鵲巢其上帝以問隆對曰
詩云維鵲有巢維鳩居之今興起宮室而鵲來巢此宮
室未成身不得居之之象也天戒若曰宮室未成將有
他姓制御之不可不深慮於是帝改容動色

宋書禮志曰魏明帝天淵池南設流杯石構燕羣臣

禮志曰太康六年蠶於西郊興籍田對其方也先蠶壇

高一丈方二丈為四出陛陛廣五尺在皇后採桑壇東

南帷宮外門之外而東南去帷宮十丈在蠶室西南桑

林在其東

禮志曰漢儀季春上巳官及百姓皆禊於東流水上洗

濯祓除去宿垢而自魏以後恒用三日不以上巳也晉

中朝公卿以下至於庶人皆禊洛水之側趙王倫篡位
三日會天泉池誅張林懷帝亦會天泉池賦詩陸機云
天泉池南石溝引御溝水池西積石為禊堂本水流杯
飲酒亦不言曲水南齊書禮志
本作天淵池

晉

晉書武帝本紀曰泰始二年秋七月辛巳營太廟致荆
山之木采華山之石鑄銅柱十二塗以黃金鏤以百物
綴以明珠

十年冬十一月立城東七里澗石橋

咸甯二年秋九月丁未起大倉於城東常平倉於東西
市

太康十年冬十一月含章殿鞠室火

五行志曰太康五年五月宣帝廟地陷梁折八年正月
太廟殿又陷改作廟築基及泉其年九月遂更營新廟
遠致名材雜以銅柱陳勰為匠作者六萬人至十年四
月乃成十一月庚寅梁又折明年帝崩而王室遂亂

宋書禮志曰改築本廟於宣陽門外窮極壯麗

晉書魏帝本紀曰永興元年夏六月新作三城門

地理志曰河南郡漢置統縣十二戶一十一萬四千四

百置尹洛陽置尉五部三市東西七里南北九里東有

建春東陽清明三門南有開陽平昌宣陽建陽四門西

有廣陽西明閭闔三門北有大夏廣莫二門司隸校尉

河南尹及百官列城內也
宋書禮志曰咸甯二年起國子學太康五年修作明堂
辟雍靈臺

後魏

魏書高祖本紀曰太和十七年秋九月庚午幸洛陽周
巡故宮基址帝顧謂侍臣曰晉德不修早傾宗祀荒毀
至此用傷朕懷遂詠黍離之詩為之流涕
十九年秋八月金墉宮成冬十一月行幸委粟山議定
圓邱甲申有事於圓邱

二十年夏五月丙戌初營方澤於河陰丁亥有事於方
澤

秋九月丁亥將通洛水入穀帝親臨觀

任城王澄傳曰車駕還雒引見王公侍臣於清徵堂

高祖曰此堂成來未與王公行宴樂之禮後東閣廡

堂粗復始就故今與諸賢欲無高而不升無小而

入因之流化渠高祖曰此曲水者亦有其義取乾道

曲成萬物無滯次之洗煩池高祖曰此池中亦有嘉

魚澄曰此所謂魚在在藻有頌其首高祖曰且取玉

在靈沼於物魚躍次之觀德殿高祖曰射以觀德故

遂命之次之凝間堂高祖曰此取夫子閒居之義不

可縱奢以忘儉自安以忘危故此堂後作茅茨堂謂

李沖曰此東曰步元廡西曰遊凱廡此堂雖無唐堯

之君卿等當無愧於元凱冲對曰臣既遭唐堯之君
 不敢辭元凱之譽元凱以志氣為世宗對冲
 郭祚傳曰高祖幸華林園因觀故景陽山祚曰山以
 仁靜水以智流願陛下修之高祖曰魏明以奢失於
 前朕何為襲之於後祚曰高山仰止高祖曰得非景
 行之謂魏明
 李冲傳曰冲機敏有巧思北京明堂圓邱太廟及洛
 都初基安處郊兆新起宮寢皆資於冲冲無小而大
 世宗本紀曰景明二年秋九月丁酉發畿內夫五萬五
 千人築京師三百二十三坊四旬而罷坊置里正三人也
 廣陽王嘉傳曰嘉為司州牧表請於京四面築坊三百

四十各周一千三百步乞發三正復丁以充茲役册府元龜
坊置里正三人也雖有暫勞姦盜永止詔從之

本紀又曰冬十一月壬寅改築圓邱於伊水之陽

三年冬十一月己卯詔曰京洛兵蕪歲踰十紀先皇定

鼎舊都維新魏厯翦掃榛荒剏茲雲構鴻功茂績規模

長遠今廟社乃建宮極斯崇便當以來月中旬蠲吉徒

御仰尋遺意感慶交衷既禮盛周宣斯干之制事高漢

祖壯麗之儀可依典故備茲考古以稱遐邇人臣之望

正始元年冬十一月戊午詔曰古之哲王翊業垂統安

民立化莫不崇建膠序開訓國胄昭宣三禮崇明四術

使道暢羣邦風流萬宇自皇基徙構光宅中區軍國務

悉代帝王宅京記卷七

殷未遑經建靖言思之有慙古烈可敕有司依漢魏舊章營繕國學崇藝學開庠序宣三甄崇四備四年夏六月己丑朔詔曰高祖德格兩儀明並日月播文教以懷遠人調禮學以旌僞造徙縣中區光宅天邑總霜露之所均一姬卜於洛涘戎繕兼興未遑儒教朕纂承鴻緒君臨寶厯思模聖規述遵先志今天平地甯方隅無事可敕有司準訪前式置國子立太學樹小學於四門一曰山一曰水一曰火一曰金閏九月甲午禁大司馬門不得車馬出入水之關永平二年秋九月壬午詔定諸門闔名南門曰南門西門曰西門東門曰東門北門曰北門四年夏五月己亥遷代京銅龍置天淵池文苑堂

茹皓傳曰皓性微工巧多所興立爲山於天淵池西採掘北邙及南山佳石徙竹汝潁羅蒔其間經構樓館列於上下樹草栽木頗有野致世宗心悅之以時臨幸

延昌元年夏四月丁卯詔曰遷京嵩縣年將二紀虎闈闕唱演之音四門絕講誦之業博士端然虛祿歲祀貴游之胄歎同子衿靖言念之有兼愧慨可嚴敕有司國子學孟冬使成太學四門明年暮春全就

三年冬十二月庚寅詔立明堂

禮志曰初世宗永平延昌中欲建明堂而議者或云五室或云九室頻屬年飢遂寢熙平中復議之詔從

五室及元又執政遂改營九室直世亂不成宗配之禮迄無所設

任城王澄傳曰靈太后銳於繕興在京師則起永甯太上公等佛寺外州各造五級浮圖

源子恭傳曰正光初爲起部郎明堂辟雍並未建就子恭上書曰臣聞辟臺望氣軌物之德既高方堂布政範世之道斯遠是以書契之重理冠於造化推尊之美事絕於生民至如郊天饗帝蓋以對越上靈宗祀配天用以酬膺下土大孝莫之能加嚴父以茲爲大乃皇王之休業有國之盛典竊惟皇魏居震統極總宙馭宇革制土中垂式無外自北徂南同卜維於

洛食定鼎遷民均氣候於寒暑高祖所以始基世宗於是恢構按功成作樂治定制禮乃訪遺文修廢典建明堂立學校興一代之茂矩標千載之英規永平之中始創雉構基趾草昧迄無成功故尙書令任城王臣澄按故司空臣冲所圖明堂樣并連表詔答兩京模式奏求營起緣期發旨卽加葺繕侍中領軍臣又物動作官宣贊授令自茲厥後方配兵人或給一千或與數百進退節縮曾無定準欲望速了理在難克若使專役此功長得營造委成責辦容有就期但所給之夫本自寡少諸處競借動卽千計雖有繕作之名終無就功之實爽塏茫茫淹積年載結架崇構

指就無兆仍令肆胃之禮掩抑而不進養老之儀寂寥而不返構廈止於尺土爲山頓於一簣良可惜歟愚謂召民經始必有子來之歌興造勿亟將致不日之美況本兵不多兼之牽役廢此與彼循環無極便是輟創禮之重資不急之費廢經國之功供寺館之後求之遠圖不亦闕矣今諸寺大作稍以粗舉並可徹減專事經綜嚴勒工匠務令克成使祖宗有薦配之期蒼生覩禮樂之富書奏從之

劉芳傳曰芳表曰夫爲國家者罔不崇儒尊道學敦爲先誠復政有質文茲範不易諒由萬端資始終務稟法故也唐虞已往典籍無據隆周以降任居虎門

周禮大司樂云師氏掌以媿詔王居虎門之左司王朝掌國中之事以教國子弟蔡氏勸學篇云周之師氏居虎門左敷陳六藝以教國子今之祭酒卽周師氏洛陽記國子學宮與天子宮對太學在開陽門外按學記云古之王者建國親民教學爲先鄭氏注云內則設師保以教使國子學焉外則有太學庠序之官由斯而言國學在內太學在外明矣按如洛陽記猶有仿像臣愚謂今旣徙縣嵩瀍皇居伊雒宮闕府寺僉復故址至於國學豈可舛替校量舊事應在宮門之左至如太學基所炳在仍舊營構又去太和二十年發敕立四門博士於四門置學臣按自周已上

學惟以二或尚西或尚東或貴在國或貴在郊爰暨周室學蓋有六師氏居內太學在國四小在郊禮記云周人養庶老於虞庠虞庠在國之西郊禮又云天子設四學當入學而太子齒注云四學周四郊之虞庠也按大戴保傅篇云帝入東學尚親而貴仁帝入南學尚齒而貴信帝入西學尚賢而貴德帝入北學尚貴而尊爵帝入太學承師而問道周之五學於此彌彰按鄭注學記周則六學所以然者注云內則設師保以教使國子學焉外則有太學庠序之官此其證也漢魏以降無復四郊謹尋先旨宜在四門按王肅注云天子四郊有學去王都五十里考之鄭氏不

云遠近今太學故坊基址寬曠四郊別置相去遼闊檢督難周計太學坊并作四門猶爲太廣以臣愚量同處無嫌且今時制置多循中代未審四學應從古不求集名儒禮官議其定所從之隋書經籍志曰遷雒已後置道場於南郊之旁方二百步正月十月之十五日並有道士歌人百十六人拜而祠焉

歷代帝王宅京記卷七終

歷代帝王宅京記卷八

槐廬叢書

崑山顧炎武著

吳縣朱記榮校刊

雒陽中

水經注曰洛陽周公所營洛邑也故洛誥曰我卜瀍水東亦惟洛食其城方七百二十丈南繫於洛水北因於邠山以為天下之湊方六百里因西為千里春秋昭公二十三年晉合諸侯大夫成周之城故亦曰成周也遷自序云太史公留滯周南摯仲治曰古之周南今之洛陽漢高祖始欲都之感婁敬之言不日而駕行矣屬光武中興定居洛邑逮於魏晉咸兩宅焉故魏略曰漢火行忌水故去其水而加佳魏為土德土水之牡也水

得土而流土得水而柔除佳加水土盡土水之甘也水
 又曰伊水又東北至洛陽縣南逕園丘東大魏郊天之
 所準漢故事建之漢書郊祀志曰建武二年初制郊兆
 於洛陽城南七里為園壇八陛中又為重壇天地位其
 上皆南向其外壇上為五帝位其外為壝重營皆紫以
 像紫宮漢天宮之宮也六百里西風千里春林湖公
 又曰穀水又逕河南王城北所謂成周矣公羊曰成周
 者河東周也何休曰名為成周者周道始成王所都也
 地理志曰河南河南縣故邾鄔地也京相璠曰邾山名
 鄔地邑也卜年定鼎為王之東都謂之新邑是為王城
 其城東南名曰鼎門蓋九鼎所從入也故謂是地為鼎

中楚子伐陸渾之戎問鼎於此述征記曰穀洛二水本
 於王城東北合流所謂穀洛關也今城之東南缺干步
 世又謂之穀洛關處俱為非也余按史傳周靈王之時
 穀洛二水鬪毀王宮王將竭之太子晉諫王不聽進堰
 三堤尚存國語周靈王二十二年穀洛鬪將毀王宮王欲壅之太子晉諫曰不可王卒壅左傳
 襄公二十五年齊人城邾穆叔如周賀韋昭曰洛水在
 王城南穀水在王城北東入於瀘至靈王時穀水盛出
 於王城西而南流合於洛兩水相格有似於鬪而毀王
 城西南也穎容著春秋條例隋經籍志云漢公車徵士穎容著春秋釋例十卷
 言西城梁門枯水處世謂之死穀是也始知緣生行中
 造次入關經究故事與實違矣考王封周桓公於是為

西周及其孫惠公封少子於鞏爲東周故有東西之名
矣秦滅周以爲三川郡項羽封申陽爲河南王漢以爲
河南郡王莽又名之曰保忠信鄉光武都洛陽以爲尹
尹正也所以董正京畿率先百郡也穀水又東逕乾祭
門北左傳昭公二十四年土伯立於乾祭而問於介眾乾祭王城北門子朝之亂晉所
開也東至於千金塢河南十二縣境簿曰河南縣城東
十五里有千金塢洛陽記曰千金塢舊堰穀水魏時更
修此堰謂之千金塢積石爲塢而開溝渠五所謂之五
龍渠渠上立塢塢之東首立一石人石人腹上刻勒云
太和五年二月八日庚戌造築此塢更開溝渠此水衡
渠上其水助其堅也蓋魏明帝修王張故績也塢是都

水使者陳協造語林曰陳協數進阮步兵酒後晉文王
欲修九龍堰阮舉協文王用之掘地得古承水銅龍六
枚堰遂成水厯塢東注謂之千金渠逮於晉世大水暴
注溝瀆泄壞又曠功焉石人東脇下文云太始七年六
月二十三日大水并瀑出常流上三丈蕩壞二塢五龍
泄水南注瀉下加歲久激齧每滂卽壞厯載捐棄大功
故爲今塢更於西開泄名曰代龍渠地形正平誠得瀉
泄至理千金不與水勢激爭無緣當壞由其卑下水得
踰上激齧故也今增高千金於舊水一丈四尺五龍自
然必厯世無患若五龍歲久復壞可轉於西更開二塢
二渠合用二十三萬五千六百九十八功以其年十月

二十三日起作功重入少到八年四月二十日畢代龍渠卽九龍堰也後張方入洛破于金塲遺基見存朝廷太和中修復故塲北引渠東合舊瀆舊瀆又東晉惠帝造石渠於水上與水轉灣等無異當與山其水不水得按橋西門之南頰文稱晉元康二年十一月二十日改治石巷水門巷東西長七尺南北龍尾廣十二丈巷瀆口高三丈謂之畢門橋又潘岳西征賦曰秣馬畢門卽此處也穀水又東又結石梁跨水制城西梁也穀水又東左會金谷水水出太白原東南流歷金谷謂之金水東南流逕晉衛尉卿石崇之故居也石季倫金谷詩集敘曰余以元康七年從太僕出爲征虜將軍有別廬在

河南界金谷澗中有清泉茂樹眾果竹柏藥艸蔽翳西北角築之謂之金墉城魏文帝起層樓於東北隅晉宮閣名曰金墉有崇天堂卽其地上架木爲榭皇居創徙宮極未就止蹕於此構宵榭於故臺南曰乾光門夾建兩觀觀下列朱桁於塹以爲御路東曰含春門北有退門城土西面列觀五十步一睥睨屋臺置一鐘以和漏鼓西北連廡蔭墉北廣榭炎夏之日常以避暑爲綠水池一所穀水逕洛陽小城北因阿舊城馮結金墉故向地也向地疑作向北永嘉亂結以爲壘號曰洛陽壘故洛陽記曰陵雲臺西有金市金市北對洛陽壘者也又東歷大夏門取故夏門也陸機與弟書云門有三層高百尺魏

明帝造門內東側際城有魏文帝所起景陽山餘基尙存孫盛魏春秋曰黃初元年文帝愈崇宮殿雕飾觀閣取白石英及紫石英及五色大石於太行穀城之山起景陽山於芳林園樹松竹草木捕禽獸以充其中於是百役繁興帝躬自掘土率羣臣三公以下莫不展力山之東舊有九江陸機洛陽記曰九江直作員水水中作員壇三破之夾水得自逕通賦曰濯龍芳林九谷八溪芙蓉覆水秋蘭被崖今也山則塊阜獨立江無復髣髴矣東京賦注引洛陽圖經云濯龍池名芳林苑名九谷八溪養魚池也渠水又東枝分南入華林園歷疏圃南圃中有古玉井井悉以珉玉爲之以緇石爲口工作精密猶不變古璨焉如新又瑤華宮

南歷景陽山北山在都亭堂上結方湖湖中起御坐石也御坐前建蓬萊山曲池接筵飛沼拂席南面射侯夾席武峙背山堂上則石路崎嶇嶮峻嶮峻雲臺風觀纓帶帶阜其中引水飛翠傾瀾瀑布或枉渚聲溜潺潺不斷竹柏蔭於層石繡薄叢於泉側微颺暫拂則芳溢於六空入爲神居矣其水東注天淵池池中有魏文帝九龍殿洛陽宮殿簿有名殿式乾殿九華殿蔬圃殿而魏志云青龍三年還洛陽宮復崇華殿改名九龍殿殿基悉是洛中故碑累之今造釣臺於其上池南置魏文帝茅茨堂前有茅茨碑是黃初中所立也其水自天淵池東出華林園逕聽訟觀南故平望觀也魏明帝常言獄天下之命也每斷大獄恒幸觀聽之以太和三年

更從今名池水又東流於洛陽縣之南池池卽故翟泉也南北百一十步東西七十步皇甫謐曰悼王葬景王於翟泉今洛陽太倉中大家是也春秋定公元年晉魏獻子合諸侯之大夫於翟泉始盟成周班固服虔皇甫謐咸言翟泉在洛陽東北周之墓地今按周威烈王葬洛陽城內東北隅景王家在洛陽太倉中翟泉在兩冢之間側廣莫門道東建春門路北路卽東宮街也於洛陽爲東北後秦封呂不韋爲洛陽十五萬戶侯大其城并得景王家矣是其墓地也及晉永嘉元年洛陽東北步廣里地陷有二鷲出蒼色者飛翔冲天白色者止焉陳留孝廉董養曰步廣周之翟泉盟會之地今色蒼胡

象矣其可盡言乎後五年劉曜王彌入洛帝居平陽陸機洛陽記曰步廣里在洛陽城內宮東是翟泉所在不得於太倉西南也京相璠與裴司空彥季修晉輿地圖作春秋地名亦言今太倉西南地水名翟泉又曰舊說言翟泉本自在洛陽北萇宏城周乃繞之杜預因其一證必是翟泉而卽實非也後遂爲東宮池晉中州記曰惠帝爲太子出聞蝦蟆聲問人爲是官蝦蟆私蝦蟆侍臣賈盾對曰在官地爲官蝦蟆在私地爲私蝦蟆令曰若官蝦蟆可給廩昔晉朝收愍懷太子於後池卽是池也其一水自大夏門東逕宣武觀憑城結構不更層墉左右夾列步廊參差翼趾南望天淵池北矚宣武場竹

林七賢論曰王戎幼而清秀魏明帝於宣武場土爲欄苞虎阱使力士袒裼迭與之搏縱百姓觀之戎年七歲亦往觀焉虎乘閒薄欄而吼其聲震地觀者無不辟易顛仆戎亭然不動帝於門上見之使問姓名而異之場西故賈充宅地穀水又東逕廣莫門北漢之穀門也北對芒阜連嶺修垣苞總眾山始自洛口西踰平陰悉芒壠也魏志曰明帝欲平北芒令登臺覲孟津侍中辛毗諫曰若九河溢涌洪水爲害邱陵皆夷何以禦之帝乃止穀水又東屈而逕建春門石橋下卽東門也阮嗣宗詠懷詩曰步出東門者也一曰上升門晉曰建陽門百官志曰洛陽十二門每門候一人六百石東觀漢

記曰鄧暉爲土東門候光武嘗出夜還詔開門欲入暉不內上合從門聞識面暉曰火明遼遠遂拒不開由是上益重之亦袁本初挂節處也橋者建兩石柱橋之右柱銘云陽嘉四年乙酉壬申詔書以城下漕渠東通河濟南引江淮方貢委輸所由而至使申謁者魏郡清淵馬憲監作石橋梁柱敦敕工匠盡要妙之巧攢立重石累高周距橋工路博流通萬里三月起作八月畢成其水依柱文自樂里道屈而東出陽渠昔陸機爲成都王穎入洛敗此而返水南卽馬市也舊洛陽有三市斯其一也陸機洛陽記曰洛陽舊有三市一曰金市在宮南西大城內二曰馬市在城東三曰羊市在城南叔夜爲司馬昭所害處也北則白社故里也昔孫子荆

會董威輦於白社謂此矣又東逕馬市石橋橋南有二石柱並無文刻也漢司空漁陽王梁之爲河南也將引穀水以溉京都渠成而水不流故以坐免後張純堰洛而通漕洛中公私懷瞻是渠今引穀水蓋純之創也按陸機洛陽記劉澄之永初記言城之西面有陽渠周公制之也昔周遷殷民於洛邑城隍偏狹卑陋之所耳晉故城成周以居敬王秦又廣之以封不韋以是推之非專周公可知矣亦謂之九曲瀆故河南十二縣簿云九曲瀆在河南鞏縣西西至洛陽又按博暘晉書云都水使者陳良鑿運渠從洛口入注九曲至東陽門是以阮嗣宗詠懷詩所謂朝出上東門遙望首陽岑又言遙遙

九曲閒徘徊欲何之者也陽渠水南暨閭闔門漢之上西門者也漢宮記曰上西門所以不純白者漢家厄於戊故以丹鏤之太和遷都徙門南側其水北乘高渠枝分上下歷故石橋東入城逕望先寺中有碑渠水又東歷故金市南直千秋門右宮門也又枝流入石逗伏流注靈芝九龍池魏太和中皇都遷洛陽經構宮極脩理街渠發石視之曾無毀壞又石工細密非今之所擬遂因用之其一水自千秋門南流逕神虎門下東對雲龍門二門衡楸之上皆刻雲龍風虎之狀以火齊傅之及其晨光初起夕景斜輝霜文翠照陸離眩目又南逕通門掖門西又南流東轉逕閭闔門南按禮王有五門謂

皋門庫門雉門應門路門路門一曰畢門亦曰虎門也
魏明帝土法太極於洛陽南宮起太極殿於漢崇德殿
之故處改雉門爲闔闔門昔在漢世洛陽宮殿門題多
是大篆言是蔡邕諸子自董卓焚宮殿魏太祖平荊州
漢吏部尙書安定梁孟皇善師宜官八分體求以贖死
太祖善其法常仰繫帳中愛翫之以爲勝宜官北宮勝
題咸是鵠筆南宮旣建明帝令侍中京兆韋誕以古篆
書之書斷云師宜官南陽人靈帝徵天下工書於鴻都
方寸千言梁鵠字孟皇安定烏氏人受書法於師宜官
以善八分書知名韋誕字仲將京兆人諸書並善題署
尤皇都遷洛始令中書舍人沈含馨以隸書書之景明
正始之年又敕符節令江式以大篆易之今諸桁榜題

皆是式書周官太宰以正月懸治法於象魏廣雅曰闕
謂之象魏風俗通曰魯昭公設兩觀於門是謂之闕從
門欵聲爾雅曰觀謂之闕說文曰闕門觀也漢官典職
曰偃師去洛四十五里望朱雀闕其上鬱然與天連是
明峻極矣洛陽故宮名有朱雀闕白虎闕蒼龍闕北闕
南宮闕也東觀漢記曰更始發洛陽李松奉引車馬奔
觸北闕鐵柱門三馬皆死卽斯闕也白虎通曰門必有
闕者何闕者所以飾門別尊卑也今闔闔門外夾建巨
闕以應天宿雖不如禮猶象魏之上而加復思以易觀
矣廣雅曰復思謂之屏釋名曰屏自障屏也孳思在門
外孳復也臣將入言事於此復重思之也穎容又曰闕

者上有所失下得書之於闕所以求論譽於人故謂之闕矣今闕前水南道右置登聞鼓以納諫昔黃帝立明堂之議堯有衢室之間舜有告善之旌禹有立鼓之訊湯有總街之誹武王有靈臺之復皆所以廣設過誤之備也渠水又枝分夾路南逕出太尉司徒兩坊間謂之銅駝街舊魏明帝置銅駝諸獸於闔闔南街陸機云駝高九尺卽出太尉坊者也水西有永甯寺熙平中始創也作九層浮圖浮圖下基方一十四丈自金露柁下至地四十九丈取法代都七級而又高廣之雖二京之盛五都之富利剝靈圖未有若斯之構按釋法顯行傳西國有爵離浮圖其高與此相狀東都西域俱爲莊妙矣

其地是曹爽故宅經始之日於寺院西南隅得爽窟室下入地可丈許地壁悉累方石砌之石作細密都無所毀其石悉入法用渠左是魏晉故廟地今悉民居無復遺墟也渠水又西歷廟社之間南注南渠廟社各以物色辨方周禮廟及路寢皆如明堂而有燕寢焉唯祧廟別無後代通爲一廟列正室於下無復燕寢之制禮天子建國右廟右社以石爲主祭則希冕今多王公攝事王者不親拜焉咸甯元年洛陽大風帝社樹折青氣屬天元皇東渡晉社代昌矣王隱晉書曰武帝咸甯元年八月大風折大社樹有青氣出焉占曰東莞當有帝者明年元帝生此晉室中興之表也渠水自銅駝街東逕司馬門南魏明帝始築闕崩壓殺數百人遂不復築故無

闕門南屏中舊有置銅翁仲處金狄既淪故處亦禡唯
壞石存焉自此南直宣陽門經緯通達皆列馳道往來
之禁一同兩漢曹子建嘗行御街犯門禁以此見薄渠
水又東逕杜元凱所謂狄泉北今無水坎方九丈六尺
深二丈餘似是人工而不類於泉陂是驗非之一證也
又皇甫謐帝王世紀云王室定遂徙居成周小不受王
都故壞翟泉而廣之泉源既塞明無故處是驗非之二
證也杜預言翟泉在太倉西南既言西南於雒陽不得
為東北是驗非之三證也稽之地說事幾明矣不得為
翟泉也渠水歷司空府前逕太倉南東出陽門石橋下
注陽渠穀水逕閭闔而南土山東水西三里有土山其

山多峭坂以象二嶠積金玉採捕禽獸以充其中有人
殺苑兔者迭相尋逐死者十三人南出逕西陽門舊漢
氏之西明門也亦曰雍門矣舊門在南太和中以故門
卯出故徙是門東對東陽門穀水又南逕白馬寺東是
漢明帝夢見大人金色頂佩白光以問羣臣或對曰西
方有神名曰佛形如陛下所夢得無是乎於是發使天
竺寫致經像始以榆欏盛經白馬負圖表之中夏故以
白馬為寺名此榆欏榆欏未詳考之袁宏漢紀及牟子
密九欏文筭七枚之文解者以為欏與賞通而齊民要
術云榆十五年後中為車轂及蒲萄窰知以榆木為窰
遠致蒲萄也嘗窰欏三字互通後移在城內愍懷太子
則榆欏乃以榆木為經函耳
浮圖中近世復遷此寺穀水又南逕平樂觀東李尤平

樂觀賦曰乃設平樂之顯觀章秘偉之奇珍華嶠漢書
曰靈帝於平樂觀下起大壇上建十二重五采華蓋高
十丈壇東北爲小壇復建九重華蓋高九丈列奇兵騎
士數萬人天子住大蓋下禮畢天子躬擐甲稱無上將
軍行陣三匝而還設秘戲以示遠人故東京賦曰其西
則有平洛都場示遠之觀龍雀蟠蜿天馬半漢應劭曰
飛廉神禽能致風氣古人以良金鑄其形明帝永平五
年長安迎取飛廉并銅馬置上西門外平樂觀今於上
西門外無他基觀惟西明門外獨有此臺巍然廣秀疑
卽平樂觀也又言皇女稚殤埋於臺側故復名之曰皇
女臺晉灼曰飛廉鹿身頭如雀有角而蛇尾豹文董卓

銷爲金用銅馬徙於建始殿東堦下胡軍喪亂此象遂
淪穀水又南逕西明門故廣陽門也門左枝渠東派入
城逕太社前又東逕太廟南又東於青陽門右下注陽
渠穀水又南東屈逕津陽門南故津陽門也昔洛水泛
汎漂害者眾津陽城門校將築以遏水諫議大夫陳宜
止之曰王遵臣也水絕其足朝廷中興必不入矣水乃
造門而退穀水又東逕宣陽門南故苑門也皇都遷洛
移置於此對閶闔門南值洛水浮桁故東京賦曰泝洛
背河左伊右瀍者也門左卽洛陽池處也池東舊平城
門所在矣今塞北對洛陽南宮故蔡邕曰平城門正陽
之門與宮連屬郊祀法駕所由從出門之最尊者洛陽

諸宮名曰南宮有謬臺臨照臺東京賦曰其南則有謬門曲榭依阻城洫注云謬門冰室門也依阻洫城下池也皆屈曲邪行依城池爲道故說文曰隍城池也有水曰池無水曰隍矣謬門卽宣陽門也門內有宣陽冰室周禮有冰人日在北陸而藏之西陸朝覲而出之冰室舊在宣陽門內故得是名門旣擁塞冰室又罷穀水又逕靈臺北望雲物也漢光武所作高六丈方二十步世祖嘗宴於此臺得鼯鼠於此臺上亦諫議大夫第五子陵之所居倫次子也

三輔決錄云第五子陵

洛陽無主人鄉里

無田宅寄止靈臺或十日不炊穀水東逕平昌門南故平門也又逕明堂北漢光武中元元年立尋其基構上

圓下方九室重隅十二堂蔡邕月令章句同之故引水於其下爲辟雍也穀水又東逕開陽門南晉宮閣名曰故建陽門也漢官儀曰開陽門始成未有名宿昔有一柱來在樓上琅琊開陽縣上言南城門一柱飛去光武皇帝始來識視良是遂堅縛之刻記年月日以名焉何湯仲弓嘗爲門候上微行夜還湯閉門不內朝廷嘉之又東逕國子太學石經北周禮有國學教成均之法學記曰古者家有塾黨有庠遂有序國有學亦有虞氏之土庠下庠夏后氏之東序西序殷人之左學周人之東膠虞庠王制云養國老於上庠養庶老於下庠故有太學小學教國之子弟焉謂之國子漢魏以來置太學於

國子堂東漢靈帝光和六年刻石鏤碑載五經立於太
學講堂前悉在東側蔡邕以嘉平四年與五官中郎將
堂谿典光祿大夫馬日磾議郎張訓漢書韓說太史令
單颺等奏求正定六經文字靈帝許之邕乃自書丹於
碑使工鐫刻立於太學門外於是後儒晚學咸取正焉
及碑始立其觀視及筆寫者車馬日千餘而填塞街陌
矣今碑上悉銘刻蔡邕等名魏正始中又立古篆隸三
字石經魏初傳古文出邯鄲涪石經古文轉失涪法樹
之於堂西石長八尺廣四尺列石於其下碑石四十八
枚廣三寸丈魏文帝又刊典論六碑附於其次陸機言
太學贊別一碑在講堂西下列石龜碑載蔡邕韓說高

堂谿等名太學弟子贊復一碑在外門中今二碑並無
石經東有一碑是漢順帝陽嘉八年立碑文云建武二
十七年造太學年積毀壞永建六年九月詔書修太學
刻石記年用工作徒十一萬二千人陽嘉九年八月作
畢碑南面刻頌表裏鏤字猶存不破漢石經北有晉辟
雍行禮碑是太始二年立其碑中折但世代不同物不
停故石經淪缺存毀幾半駕言永久諒用憮焉考古有
三雍之文今靈臺太學並無辟雍處晉永嘉中王彌劉
曜入洛焚毀二學尙髣髴前基矣穀水於城東南隅枝
分北注逕青陽門東故清明門也亦曰稅門也亦曰芒
門又北逕東陽門東故中東門也又北逕故太倉西洛

陽地記曰大城東有太倉倉下運船常有千計卽是處也又北入洛陽溝穀水又東左迤爲池又東右出爲方湖東西一百九十步南北七十步故水衡署之所在也穀水又東南轉屈而東注謂之阮曲云阮嗣宗之故居也穀水又東注鴻池陂百官志曰鴻池池名也在洛陽東二十里丞一人二百石池東西千步南北千一百步四周有塘池中又有東西橫塘水溜逕通故李尤鴻池陂銘曰鴻澤之陂聖王所規開水東注出自城池也其水又東左合七里澗晉後畧曰成都王穎使吳人陸機爲前鋒都督伐京師輕進爲治軍所處大敗於鹿苑人相登躡死於塹中及七里澗澗爲之滿卽是澗也澗有

石梁卽旅人橋也昔孫登不欲久居洛陽知楊氏榮不保終思欲遯跡林鄉隱淪忘死楊駿埋之於此橋之東駿後尋亡矣凡是數橋皆纍石爲之亦高壯矣朱超石與兄書云橋去洛陽宮六七里悉用大石下員以通水可受大舫過也題其上云太康三年十一月初就功用七萬五千人至四月末止此橋經破落復更修補今無復文字

雒陽伽藍記曰魏太和十七年高祖遷都雒陽詔司空公穆亮營造宮室雒陽城門依魏晉舊名東面有三門北頭第一門曰建春門漢日上東門阮籍詩曰步出上東門是也魏晉曰建春門高祖因而不改次南曰東陽

門漢曰東中門魏晉曰東陽門高祖因而不改次南曰青陽門漢曰望京門魏晉曰清明門高祖改爲青陽門南面有三門東頭第一門曰開陽門初漢光武遷都雒陽作此門始成未有名忽中夜有柱自來在樓上後琅琊開陽縣上言縣南城門一柱飛去使來視之則是也因以開陽爲名魏晉及高祖因而不改次西門曰平昌門漢曰平門魏晉曰平昌門高祖因而不改次西曰宣陽門漢曰津陽門魏晉曰宣陽門高祖因而不改西面有四門南頭第一門曰西明門漢曰廣陽門魏晉因而不改高祖改爲西明門次北曰西陽門漢曰雍門魏晉曰西明門高祖改爲西陽門次北曰閭闔門漢曰上西

門上有銅璇璣玉衡以齊七政魏晉曰閭闔門高祖因而不改次北曰承明門高祖所立當金墉城前東西大道遷京之始宮闕未就高祖住在金墉城城西有王南寺高祖數詣寺沙門論義故通此門而未有名世人謂之新門時王公卿士常迎駕於新門高祖謂御史中尉李彪曰曹植詩云謁帝承明廬此門宜以承明爲稱遂名之北面有二門西頭曰大夏門漢曰夏門魏晉曰大夏門高祖世宗造三層樓去地二十丈雒陽城門樓皆兩重去地百尺唯大夏門壹棟干雲東頭曰廣莫門漢曰穀門魏晉曰廣莫門高祖因而不改自廣莫門以西至於大夏門宮觀相連被諸城上也一門有三道所謂

九達

城內永甯寺熙平元年靈太后何氏所立也在宮前闔
闔門南一里御道西其寺東有太尉府西對永康里南
界昭元曹北鄰御史臺闔闔門前御道東有左衛府府
南有司徒府司徒府南有國子學堂國子學南有宗正
寺寺南有太廟廟南有護軍府府南有衣冠里御道西
有右衛府府南有太尉府大尉府南有將作曹曹南有
九級府府南有太社社南有凌陰里卽四朝時藏冰處
也中有九層浮圖一所建義元年太原王爾朱榮總士
馬於此寺永安二年五月北海王顥入雒在此寺聚兵
三年逆賊爾朱兆囚莊帝於寺永熙三年二月浮圖爲

火所燒其年十月京師遷鄴

建中寺普泰元年尙書令樂平王爾朱世隆所立也本
闔官司空劉騰宅在西陽門內御道北延年里宅東有
太僕寺寺東有乘黃署署東有武庫署卽魏相國司馬
文王府武庫東至闔闔門是也西陽門內御道南有永
康里內有領軍將軍元又宅孝昌元年太后誅又等沒
騰田宅普泰元年世隆爲榮追福題以爲寺

長秋寺劉騰所立
在西陽門內御道北一里亦在延年
里是晉中朝時金寺處寺北有濛汜池

瑤光寺世宗宣武皇帝所立
在闔闔門御道北東去千
秋門二里千秋門內道北有西游園園中有凌雲臺臺

是魏文帝所築者臺上有八角井高祖於井北造涼風
觀登之遠望目極雒川臺下有碧海曲池臺東有宣慈
觀去地十丈觀東有靈芝釣臺累木爲之出於海中去
地二十丈風生戶牖雲起梁棟丹楹刻桷圖寫列仙刻
石爲鯨魚背負釣臺如自空中飛下釣臺南有宣光殿
北有嘉福殿西有九龍殿殿前九龍吐水成一海凡四
殿皆有飛閣向靈芝臺往來三伏之月皇帝在靈芝臺
避暑寺北有承明門有金墉城卽魏氏所築晉永康中
惠帝幽於金墉城東有雒陽小城永嘉中所築城東北
角有惠文帝百尺樓年雖久遠形製如初高祖在城內
作光極殿因名金墉城門爲光極門又作重樓飛閣遍

城上下從地望之如雲也

景樂寺太傅清河文獻王懌所立也在閭闔南御道西
望承甯寺正相當寺西有司徒府北連義井里北門
外有桑樹數十株下甘井一所飲水庇陰多有憩者
昭儀尼寺闈官等所立也在東陽門內一里御道南東
陽門內道北太倉導官二署東南治粟里倉司官屬住
其內寺有池京師學徒謂之翟泉街之按杜預注春秋
云翟泉在晉太倉西南按晉太倉在建春門內今太倉
在東陽門內此地在今太倉西南明非翟泉也後隱士
趙逸云此地是晉侍中石崇家池池南有綠珠樓於是
學徒始寤

修焚寺在青陽門內御道北有永和里漢太師董卓之宅也里南北皆有池卓之所造今猶有水冬夏不竭建春門內御道南有句盾典農籍田三署籍田南有司農寺御道北有空地擬作東宮晉中朝時太倉處也太倉南有翟泉周迴三里卽春秋所謂王子虎晉狐偃盟於翟泉也水猶澄清洞底明淨高祖於泉北置河南尹晉中朝時步廣里也王隱晉書曰董養字仲道秦始初北角步廣里地陷中有二鶯蒼者飛去白者不能飛問之博識者莫能知養聞歎曰昔周時所盟會狄泉此地也中有二鶯蒼者胡象後胡當人雖自者不能飛此國諱也泉西有華林園中有大海卽漢天淵池池中猶有文帝九華臺高祖於臺上造清涼殿世宗於海內作蓬萊山山上有僊人館上有釣

臺殿並有虹蜺閣乘虛來往至於三月禊日季秋九辰皇帝駕龍舟鷁首游於其上海西有藏冰室六月出冰以給百官海西南有景山殿山東有羲和嶺嶺上有溫風室山西有姮娥峰峰上有寒露館並飛閣相通凌山跨谷山北有元武池山南有清暑殿殿東有臨澗亭殿西有臨危臺景陽觀山南有百果園園有奈林奈林南有石碑一魏明帝所立也題云苗茨之碑高祖於碑北作苗茨堂奈林西有都堂有流觴池堂東有扶桑海凡此諸海皆有石竇流於地下西通穀水東連陽渠亦與翟泉相連

城東明懸尼寺彭城武宣王勰所立也在建春門外石

樓南穀水周迴繞城至建春門外東入陽渠石橋橋有四柱在道南維曰漢陽嘉四年將作大匠馬憲造孝昌三年大雨頽橋柱始埋沒道北二柱至今猶存寺東有中朝時常滿倉高祖令爲租場天下貢賦所聚蓄也龍華寺宿衛羽林虎賁等所立也在建春門外陽渠南寺南有租場陽渠北有建陽里里有土臺高三丈上作二精舍趙逸云此臺是中朝旗亭也上有二層樓懸鼓擊之以罷市

出建陽門外一里餘至東石橋南北而行晉太康元年造橋南有中朝時牛馬寺刑嵇康之所也橋北大道西有建陽里大道東有綏民里里有雒陽縣臨渠水綏

民里東有崇義里崇義里東有七里橋以石爲之中朝杜預之荊州出頓之所也七里橋東一里郭門開三道號爲三門離別者多云相送三門外京師士子送去迎歸常在此處

莊嚴寺在東陽門外一里御道北所謂東安里也北爲租場里

秦太上君寺胡太后所立也在東陽門外二里御道北所謂暉文里當時太后正號崇訓母儀天下號父爲秦太上公母爲秦太上君爲母追福因以名焉

正始寺百官等所立也正始中立因以爲名在東陽門外御道南所謂敬義里也里內有典虞曹敬義里南有

昭德堂

正等寺廣平武穆王懷捨宅所立也在青陽門外二里

御道北所謂孝敬里也北史盧辯傳永熙二年平等浮

圖成孝武會萬僧於寺石佛低舉其頭終日乃止帝禮拜之辯曰石立社移自古有此陛下何怪

景甯寺太保司徒公楊椿所立也在青陽門外三里御

道南所謂景甯里也道北有孝義里里西北角有蘇秦

冢冢旁有寶明寺孝義里東即是雒陽小市市北有殖

貨里

城南景明寺宣武皇帝所立也景明中立因以為名在

宣陽門東里御道東其寺東西南北方五百步前望

嵩山少室卻負帝城正元年中太后造七層浮圖一所

北史彭城王勰傳景明寶德寺僧鳴鐘欲飯忽聞勰薨二寺一千餘大皆嗟痛為之不食但飲水而齋

大統寺在景明寺西所謂利民里

秦太上公二寺在景明寺南一里西寺太后所立東寺

黃姨所追並為父追福因以名之時人號為雙女寺並

門鄰維水林木扶疏寺東有靈臺一所基址雖頽猶高

五丈餘是漢光武所立靈臺東辟雍是魏武所立至正

光中造明堂於辟雍之西南上圓下方八牕四闕汝南

王復造甄浮圖於靈臺之上

報德寺高祖孝文皇帝所立也為馮太后追福在開陽

門外三里開陽門御道東有漢國子學堂堂前有三種

字石經二十五碑表裏刻寫之春秋尚書二部作篆科

斗隸三種字右漢中郎將蔡邕筆之遺跡也猶有十八碑餘皆殘復毀有石碑四十八枚亦表裏隸書寫周易尚書公羊禮記四部又讚學碑一所並在堂前魏文帝作典論六碑至太和十七年猶有四存高祖題爲勸學里武定四年大將軍遷石經於鄴維陽記太學在維陽城南開陽門外講堂長十丈廣二丈堂前石經四部本碑凡四十六枚西行尚書周易公羊傳十六碑存十二碑毀南行禮記十五碑悉崩壞東行論語三碑二碑毀禮記碑上有諫議大夫馬日磾議郎蔡邕名勸學里東有延賢里

宣陽門外四里至維水上作浮橋所謂永橋也神龜中常景爲汭頌南北兩岸有華表舉高二十丈華表上作鳳凰似欲冲天勢永橋以南圓邱以北伊維之間夾御

道有四夷館道東有四館一名金陵二名燕然三名扶桑四名崦嵫道西有四館一曰歸正二曰歸德三曰慕化四曰慕義吳人投國者處金陵館三年以後賜宅歸正里北夷來附者處燕然館三年以後賜宅歸德里東夷來附者處扶桑館賜宅慕化里西夷來附者處崦嵫館賜宅慕義里是以附化之民萬有餘家門巷脩整閭闔填列青槐蔭陌綠柳垂庭天下難得之貨咸悉在焉別立市於維水南號曰四通市民間謂永橋市永橋南道東有白象獅子二坊

高陽王寺高陽王雍之宅也在津陽門外三里御道西寺北有中甘里

崇虛寺在城西卽漢之濯龍園也延熹九年桓帝祠老子於濯龍園設華蓋之座用郊天之樂此其地也

城西白馬寺漢明帝所立也在西陽門外三里御道南帝夢金人長丈六項背日月光明胡神號曰佛遣使向西域求之乃得經象焉時白馬負經而來因以爲名明帝崩起祇洹於陵上自此以後百姓冢上或作浮圖焉寶光寺在西陽門外御道北園中有一海鏡咸池普泰末雍州刺史隴西王爾朱天光總士馬於此寺寺門無何都崩天光惡之其年戰敗斬於東市

出西陽門外四里御道南有雒陽大市周迴八里市東南有皇女臺漢大將軍梁冀所造猶高五丈餘景明中

比邱道恒立靈仙寺於其上臺西有河陽縣市西北有土山魚池亦冀所造卽漢書所謂採土築山十里九坂以象二嶠者市東有通商達貨二里里內之人盡皆工巧屠販爲生資財巨萬市南有調音樂律二里里內之人絲竹謳歌天下妙技出焉市西有退酤治觴二里里內之人多醞酒爲業市北有慈孝奉終二里里內之人以賣棺槨爲業別有準財金肆二里富人在焉凡此十里多諸工商貨殖之民千金比屋層樓對出重門啟扇閣道交通迭相臨望自退酤以西張方溝以東南臨雒水北達芒山其間東西二里南北十五里並名爲壽邱里皇宗所居也民間號爲王子坊經河陰之役諸元殲

唐書卷一百一十五 地理志 京師 卷八
盡王侯第宅多題爲寺壽邱里間列剎相望

出閶闔門城外七里長分橋卽漢之夕陽亭也中朝時以穀水迅急注於城下多壞民家立石橋以限之長則分流入維故名曰長分橋或云晉河間王在長安遣張方征長沙王營軍於此因號張分橋也未知孰是今民間語訛號爲張夫人橋朝士送迎多在此處長分橋西有千金堰魏書崔亮爲僕射奏於張方橋東堰穀水造水碾磨數十區其利十倍國用便之計其水利日益千金因以爲名昔都水使者陳勰所造今備夫一千歲恒脩之

城北禪虛寺在大夏門御道西寺前有閱武場歲終農

隙甲士習戰千乘萬騎常在於此中朝時宣武場在大夏門東北今爲光風園苜蓿在焉

凝元寺在廣木門外一里御道東所謂永平里也

城東北有上高里殷之頑民所居處也高祖名聞義里遷京之始朝士住其中迭相譏刺竟皆去之唯有造瓦者止其內京師瓦器出焉

京師東西二十里南北十五里戶十萬九千餘廟社宮室府曹以外方三百步爲一里里開四門門置里正二人吏四人門士八人合有二百二十里寺有一千三百六十七所天平元年遷都鄴城雒陽餘寺四百二十一所

卷之二